

潯湖陳氏

宗譜

推己堂藏板

澆湖陳氏宗譜序

自宗法廢而敬宗收族之

道微所以明統系辨昭穆

獨賴有譜若夫析一姓而

為數支溯數支而仍歸一



支條其分合異同之故而  
不紊譜之功為尤大焉是  
以睦族之道必先修譜以  
聯之稽之周禮有小史以  
奠世系有族師以書其孝

友忠信睦嫻於得姓之源  
流族數之遠近爵位之崇  
卑墳墓之阡原宗庶之繼  
嗣適女之處所莫不一  
詳書之使之相保相愛咸

期於德行道藝之歸此百  
世之計也今之治家者惟  
產業是營於其睦族之道  
或棄而不講支派不明長  
幼尊卑乘其分至於相凌

相詬儕於路人先王維世  
持民之道安在耶吾觀陳  
氏之譜則不然裔孫又仙  
重修秉筆綜其事暨聲揚  
元達諸君捐資付剞劂民

閱其溯源十餘條始得姓  
於軒轅黃帝閱七世而以  
重華受禪歷數其嫡派世  
系遙々華胄歷々不爽迄  
後支分派別均以宗季忠

烈公宜中為始祖又以十  
五世敷朴公為潯湖始遷  
之祖經世而緯齒別嫌而明  
微篤近而舉遠如常孟之賦  
在鄒謝靈運之述祖德焉夫




然後昭穆明少長叙歲時  
蜡臘饗酺之際斌，秩，  
使忠烈後裔不致相視如  
塗人為能不失乎先王尊  
祖敬宗睦族之遺意則此

誥

舉其有合於禮也夫  
嘉慶八年癸亥二月中浣  
封奉政大夫江南直隸海  
州知州前任杭州府儒學  
以教諭銜管訓導事加三

級紀錄二次同里湯滄譔



新修家譜序

蘇耆泉曰及家等代而修  
譜助同於小及故眉山蘇  
氏始於家譜為義家攷族  
之譜是矣譜之重於家也

然而其事大其功難辯其  
才不彘尚書辯其力不  
得成書故雖遺文可據而  
冀其纂輯已成編尚徃徃  
難止吾煥帛譜自多叨少  
軒

公暨子伯堅公州劬伊媯  
鼎革後十九并錫元公嗣  
輯止式十并繼平公又續  
稼止參互考訓捷括成集  
尺漦從支少既又條而吊

素吳王令百多餘季子孫  
浩繁舊譜雖存而歷季既  
久殘缺甚多族先輩亦皆  
殆蕩輯然未及勅本隨得  
隨先而亨成書此尊祖而

義泉尚不蕪遺燧西煥長  
芴風公暨煥中贊循聲揚  
丙馭元達亨岐諧公策藪  
煥誼懔泉譜不成豸志修  
輯能增訓舊譜成書已付



粹蓋夙著書上才與成書  
上力而兼夙義扁攷族上  
德尚也辛酉高皆創修譜  
上議命在高中憲纂輯籍  
探古房并系竊已修輯扁

譜非尋常精墨止於己吾  
族中譜先輩思舉此事皆  
以爲難小子其何敢與任  
朕家不可藉譜繕本雖存  
流傳未廣今公等能編而

勅止是盛事也。處政以不  
學。重違公命。乃與煥叔蓋  
南。曉。燭。用。老。諸。公。暨。煥。昆  
兼。儒。等。各。任。採。訪。并。以。所  
見。所。聞。所。傳。聞。尚。彙。上。於

編載等歲書成非豉謂採  
錄遺文以韓勿豕止訓而  
昭穆肅支夾已精然豕序  
吳自非諸公豕義肅豉煥  
止心曷亨成此助眉山止

鑽意能於茲而得也而

告

嘉慶八年歲在癸卯

三月廿五日拜謹

序并篆



蕭山澇湖陳氏續修族譜序

澇湖環桂山之南陳氏聚族而居者有二居  
西堡者自爲一族曰西陳居東堡者俗稱爲  
澇湖陳氏其先世譜系荒渺脫漏無徵不信  
宋元之間伯玉公自杭州遷居蕭山石板街  
爲一世祖始有居址之可稽六傳至福三公  
卜葬來蘇鄉始有墓域之可辨九傳至月軒  
公仕明官刑部郎中始有爵秩之可考十五

陞氏宗譜 卷一  
傳至敦樸公迺家澇湖大其族

國朝涵濡生息百數十年子繼孫仍瓜綿椒衍  
譜一修於錫元公再修于機平公三修於列  
宸公道光丙戌族長先生又合族衆而續修  
之問序於端履端履讀其譜而嘆其得尊祖  
敬宗之道焉夫三代而上宗法明而官掌其  
事三代以下宗法廢而家自爲書降及六朝  
崇尚門第北地姓著崔盧南朝望推王謝甚

至寒門不躋華要士庶不通嫁要於是單微  
孤峻不得不遠託雲初近附貴盛以自張其  
閥閱歷今數千百年奠世系者沿其流弊仍  
譌踵謬而不知所返且或變而加厲卽陳姓  
之著望於蕭山者九十餘族按其譜牒類皆  
分支媯汭衍派潁川至于源流闕隔則憑虛  
臆造以爲增續譜學其不可問矣獨滂湖陳  
氏則不然近宗始祖而不追述舊德詳列本



支而不依附他族若邑東門之陳長濱之陳  
皆屢請通譜敘昭穆澇湖自伯玉公以來閱  
世二十有六而東門世止二十長濱世僅十  
七且東門祖康義公長濱祖福一公以世以  
祖莫之能合則與爲親同姓而不與同譜別  
嫌明微之意也若埭上之陳榮山之陳雖離  
析轉徙舊乘不詳而埭上實出自敦睦公榮  
山實出自敦歷公皆爲敦樸公之親兄弟溯

本窮源遙遙可接則引與同譜而別爲一支明  
不得襲澇湖之稱也非慎之至而能若是乎慎  
故尊其祖而不肯冒不可知之祖以爲祖慎故  
敬其宗而不欲援不相屬之宗以爲宗其體例  
謹嚴創自舊譜而陳氏仍守其法而不廢殆古  
所謂賢子孫歟抑聞其族有義學有義田規畫  
燦具敦任卹而厚風俗有非他姓所能企及則  
其收族之道固不僅區區譜牒之修明已也

大清道光六年歲次丙戌十月望日

賜進士出身翰林院庶吉士加一級同邑王端履謹

序



目錄

創陳氏宗譜序

商輅

月軒公序

機平公序

先儒論譜

譜例

溯源

議鐫新譜引

東門長濱澇湖三支世數說

卷一下

誥勅

河南開封府尹陳宜中誥封勅命一道

刑部郎中誥授奉直大夫陳安父母誥封勅

命一道

刑部郎中誥授奉直大夫陳安勅命一道

廣東惠州府同知陳廷枚祖父母誥封勅命  
一道

廣東惠州府同知陳廷枚父母誥封勅命一  
道

江南寧國府宣城縣水陽司巡檢陳廷栢本  
身誥命

候選州司馬恩授儒林郎陳謨祖父母勅封

勅命一道

候選州司馬恩授儒林郎陳謨父母勅命一  
道

候選同知加一級晉授奉政大夫陳有尚祖  
父母勅封誥命一道

候選同知一加級晉授奉政大夫陳有尚父  
母誥命一道

候選布政司理問廳加二級例授儒林郎陳  
堂祖父母勅封誥命一道

候選布政司理問廳加二級例授儒林郎陳  
堂父母誥命一道

候選布政司理問加二級例授儒林郎陳杰  
祖父母貤封誥命一道

候選布政司理問加二級例授儒林郎陳杰  
父母誥命一道

後漢書陳寔傳

振藩公傳略

在高



錫元公暨嗣君機平公合傳 包絃

鄉大賓子理陳公傳 湯滄

鄉大賓陳震公先生傳 王枏林

誥封儒林郎字尊陳公家傳 陶元藻

太學生應和陳公暨德配孫孺人傳 吳斐

鄉大賓贊字陳公傳 許炳

節婦陳張氏傳 李惟善

陳兩齋先生傳 吳斐

陳母項孺人家傳 王乃斌

天岳公配蔣孺人傳 錫濬

## 卷二

### 序

悅吾公八十壽序 蔣汝礪

富孺人六十壽序 任元文

山西蒲州府猗氏縣紳庶恭頌新甫陳公德

政序 王育枏

江南寧國府宣城縣水陽鎮紳庶恭祝新甫

陳公六旬壽序

梅穀成

題冲虛公遺照

吳鍾惺

冲虛公暨徐太宜人壽序

桂芳

宗祠春秋會祭序

碑記

陳太邱碑文

東漢蔡邕

宗祠義學田碑記

駱廷元

祠堂記 在高

宗祠鑿池記 二十三世孫寶

公捐義塚山畝記 士朝

請憲旌節婦記事 呈狀詳文批文清冊附

像贊

宋奉直大夫吏部尚書兼侍講知樞密院事

觀文殿大學士追封忠烈公陳宜中像贊 劉基

遷蕭始祖伯玉公像贊 魏驥

鄉大賓松琴公像贊 王鈺

誥封奉直大夫仲和公像贊 顧觀

月軒公像贊 王守仁

又 謝丕

月軒公自題

題子理公像言 沈宏勳

題金孺人像言 沈耀宗

枝山公像贊 張釗

邵孺人像贊

天鶴公像贊

徐國楠

詩

題仲和公遺像

魏驥

題月軒公遺像

楊維楨

又 魏驥

又 俞欽

又 商輅

又 姓夔

又 項忠

又 倪朝賓

譜成恭咏 在高

附

墓地

祭文

祭田

捐田

鐫譜捐冊

卷三

世系圖

世系總圖說

世系總圖

世系分圖說

排行說



行字圖

澇湖本支世系圖

卷四

世系紀

世系總紀

一世至十五世

澇湖本支世系紀

十六世至二十世

卷五

澇湖本支世系紀

二十一世至二十二世

卷六

澇湖本支世系紀 二十三世

卷七

澇湖本支世系紀 二十四世

卷八

澇湖本支世系紀 二十五世至二十七世

卷九

世系圖

旁支世系圖

埭上支

旁支世系圖

榮山長房

旁支世系圖

榮山次房

卷十

世系紀

旁支世系紀

埭上

旁支世系紀

榮山長房  
十六世至二十六世

旁支世系紀

榮山次房  
十六世至二十四世

輯譜同人

分譜房次

續修輯譜同人

澇湖陳氏宗譜卷一

二十四世孫在高纂輯

二十三世孫

銑有尚

參閱

二十四世孫賢熙校訂

創陳氏宗譜序

昔者先王建國君民以有功德之臣謂其子孫歷世衆多不可無維持之法必因其嫡庶親疎之分爲大宗一以重其本小宗四以聯其支俾知所以

主祭祀統宗族立小史以掌之去古既遠代不之講者已久故後世知禮士大夫之家必因之以自立其譜焉若今陳氏本舜後姚姓周封遏父子胡公湍於陳其子孫遂以國爲氏後避楚害遷陽武戶牖漢高祖時陳平封戶牖侯其十一世孫翔遷居潁川陳大建元年追封翔子實爲潁川郡公今其子孫在潁川者本原也是之謂大宗歷千百年來子孫散處不一者支派也是之謂小宗然則陳

氏子孫之居蕭山者小宗之譜其可不編而輯之  
耶刑部郎中月軒陳公以其始祖宜中公所編舊  
譜歷年久遠湮沒無存恐宗族之散而無紀也因  
命嗣君纂輯宗譜探本溯源自河南而武林自武  
林而蕭邑遂以遷蕭之祖爲一世祖至今凡十一  
世倣漢史年表例以世爲之經以人爲之緯詳書  
而備錄之有原焉有委焉并乎其有條秩乎其不  
紊殆始子孫於冠昏喪祭近而合也有敦睦之情

遠而睽也無乖離之患其爲世世子孫尊祖敬宗之法爲甚至噫月軒公得不爲陳氏之能亢其宗之賢子孫乎雖然昔韓魏公有曰人能謹家牒而不忘其先者孝之大者也特家之有諸未必人人能設也昧者不知所以修明者知所以修而不能保其不失欲保其不失非世世知所積德則不能致茲月軒公以發身科第累歷華要其於所猷所爲一以仁厚爲心而不少怠其家之子孫亦克讀



書惇行以祖武是繩是則斯譜必將子子孫孫續  
之又續不惟不失俾傳百世之遠爲可卜矣噫勿  
替引之陳氏後之人尚勉之哉

大明景泰元年歲在庚午三月吉旦賜進士及第  
翰林院修撰兼預內閣機務華蓋殿大學士  
淳安商輅拜撰

月軒公序

陳氏家乘其來舊矣自建炎南渡後子孫散處吳越間世系幾不相仍忠烈公諱宜中者編次成帙始得其統繕寫分布諸族傳次增入今百有餘歲爲日旣遠凌亂磨滅不無魚魯亥豕之訛今外艱不靜兵火游起孰能保其無遺不肖安深爲惴焉矧諸族蕃衍不及增入者視昔有加謹命嗣子確合諸族譜參互考證摠括成集併徧探諸族有未

入系者增註其下簡帙重大用爲四部以便觀覽  
安之爲是非敢僭也於以續夫先公創譜之勤使  
子孫獲聞先世文獻因益勸其尊祖敬宗之仁焉  
耳

大明洪武庚午年十二月旣望裔孫安謹識

機平公序

陳之姓蔓延於天下皆出自虞舜苗裔也自周武克商封三恪求舜後得媯滿封之於陳以承舜祀是爲胡公以國爲姓陳之姓始著其在春秋戰國時媯陳田胡皆屬同姓迨至漢唐派延益紛世系莫稽不可以無所據而強援也詳我始祖伯玉公之得居於蕭者其祖諱芳係河南懷慶府孟縣人官居廷尉值

金虜犯闕舉族扈從南渡居杭之忠清里越  
數世而忠烈公諱宜中者賦性抗直閔時事  
之不平忿執政之赫奕當其爲太學生也創  
率諸生號泣殿廷忤觸權要頻至顛蹶及大  
魁元輔秉正嫉邪卒罹其禍於是宗支四散  
而我始祖之得免於斯難者以其不樂仕宦  
杜門恬退且嫌武林四方雜沓約囂多事預  
卜蕭東里石板街爲家焉克勤克儉孝義傳

家又詳我始祖之同父祖暨曾大父之在河  
南也謹率祖先遺訓積遠至十四世未經分  
晰同居共爨中州咸歎爲莫及我始祖之寓  
杭與居蕭也恒率是訓以誠子婦敦鄰睦族  
男正乎外女正乎內家門雍肅而巨族俱樂  
爲聯姻居恒誠子若孫士農經商各務其業  
而尤以耕讀爲重其尊師也刻意恭敬其養  
親也和悅盡誠與人無競御下以寬治家惟

嚴閨門肅雍此皆始祖之垂訓也嗣後科第  
間出書香不絕俊秀綿遠生育繁熾丁約近  
千其於蕭邑屹然頗稱巨族皆始祖一人肇  
造也蓋惟帝舜之明德既遠而其苗裔支庶  
得散衍於天下者千百年不衰積德流光愈  
久而靡強而我始祖之開基蕭邑歷宋元明  
以迄

本朝傳世二十歷年五百有奇豈非大聖人之後

紹美前聖佑啟我後耶凡屬子孫尚其不忘  
所自而可

昔

大清康熙甲子年桂月朔旦二十世孫所璇

謹識



先儒論譜

韓魏公曰謹家譜而不忘其先者孝之大者也

歐陽子曰譜牒明則子孫修飭喜自樹立惟恐墜其家聲

程子曰管攝天下人心收宗族厚風俗使不忘本須是明譜系立宗子法呂程公曰世之學者大而欲知天文地理之學小而欲識鳥獸昆蟲草木之名獨於己身自出之祖考反茫狀而莫知豈不深

可耻乎

黃山谷曰家無譜世日踈遠族日益繁必至於不相維繫而昭穆之辯淆矣

蘇老泉曰人家三代不修譜則同於小人矣

胡五峰曰譜牒著則昭穆有序而疎戚不遺譜牒不作則喜不慶憂不弔不視至親如塗人者鮮矣  
胡致堂曰宗法廢而後譜作譜作而後族尊族尊而後族人始有所統孝敬之心油然而生不至相

視如塗人也

游墨齋曰宗法廢士君子無地以致親睦之意獨有譜牒一事猶能稍合宗族以收其流散是以前輩多畱心焉

董深山曰吾聞之先祖有善而弗知曰不明知而不傳曰不仁此譜之所由作也

王梅溪曰凡作譜者不過爲祖宗重也人知重乎祖宗則所存惟仁而非仁勿存所行惟義而非義

勿行何也恐其得罪於祖宗也

王荆公曰余聞蘇老泉論譜牒謂可知者續之不可知者闕之此語極有病夫人不生於空桑豈無祖宗可知者可知者固可續矣其不可知者必夜而思且而求捱形捉影豈有不得者焉苟失於知而安於不知其爲不孝也大矣

譜例

一歐陽氏譜世經人緯以五世爲圖而下各註其所出子孫至六世又別提一圖而上各系其所生祖父蓋四宗五服之義存焉亦寓親盡則遷之義今世系圖宗之直下而父子相繼世系紀詳之橫列而兄弟相聯一開卷而瞭如指掌矣

一余族自宋南渡以前無譜可證至明十世祖

伯堅公所修宗譜以遷蕭始祖宋宜中公之  
子伯玉公爲始祖第十五世祖敦樸公兄弟  
五人次敦素公無嗣敦義公居良趾敦睦公  
居埭上敦歷公居榮山惟我敦樸公家澇湖  
開族以下傳二世而八房分派立宗祠於澇  
湖至今子孫最爲繁盛故名曰澇湖陳氏宗  
譜

一譜中圖錄子孫支派必以祖父序次爲定不

以子孫長幼爲先後

一書法以諱居首行次之字次之號又次之爵  
秩必書配嗣必書生卒必書

一子姓蕃庶命名取字有犯諱者各自改正其  
嫌名偏諱不在此例

一履歷必謹書之者重

朝廷名器也

一妻配書某處某姓人女者使子孫知祖先之

外家也生女書適某處某姓人者使知外姓  
某某乃我所自出也錄其衣冠者爲易於表  
識也

一妻系於夫書生卒與夫同以忌日者人子之  
心不得以母異於父也葬不書合葬也別葬  
則書

一婦人有夫存被出夫亡改適者概不書與廟  
絕也有子者止書氏以削其姓防返葬也其



或被出而未改嫁者

聖朝准其子貴受封則仍書其姓加出字別之

一正妻書配續絃書繼再醮之婦書娶妾書副  
一子附所生女記所適其間詳畧不同者皆據  
各房開報闕疑存信非有抑揚也

一無子立後者下書所繼某人之子本生之下  
亦書某子出繼某人不繼者則書無嗣

一立繼者有同父周親大功小功總麻并絕服

之異必詳書其原委以繼絕之道不可不明也

一乞養異姓爲子者不書虞混宗也大家族譜皆然唯溧陽縣修慶傳錄有大書東埭養子一者究係亂宗不可爲訓

一出爲他姓後者或以姪嗣姑或以甥繼舅或隨母而冒義父之姓幼孤而作他姓之兒則註明改姓某氏以畱異日歸宗之地

一出家爲僧道者不書爲人僕者不書如犯惡  
逆不道者例俱不書有子仍書其子名以蓋  
愆也則標其祖名某第幾子所出

一生年五十以上者書壽未及五十者不書年  
一禮以八歲至十九歲而死者爲上中下三殤  
大清律無殤服故殤不特書唯附本生父母下娶  
則不名殤令未亡人得依之以守也

誥勅出自

天恩膺一命者必謹載之尊

王章也

一生者不立傳以其行事未終公論未定也若

婦節年例符者則傳之考郡邑誌及名公集

皆然

一讀

大清會典有旌表義行之禮民有屢世同居和睦

無間者建坊里門若出粟以周族黨振貧乏  
捐財以治橋梁修道路均由有司旌其閭爲  
數多者奏請叙錄宗族中能有此者必備書  
之以待旌揚

本朝旌節定例自年三十至五十或年逾四十而  
一 歿守節以逾十五年以上者建坊里門春秋  
祭於祠內吾族代多節婦未及題旌必備書

之以表苦志且爲族婦勸焉

一祖先塋墓久恐變遷必詳書備錄俾子孫有

可憑以禁侵佔杜紛爭而不至泯沒無傳

一族中有宦遊遠方徙居別鄉與久客在外子

孫未入譜者俟本房陸續開送照支補續

一譜牒十年小修三十年大修譜不能無費亦

不能獨任嗣後幸族內好義捐貲按時修續

以及採輯襄事者例均得書之卷首以示獎

勸

一嘉言懿行可爲矜式者悉採錄其傳贊不特表揚祖宗亦以典型後嗣凡見於歷代史傳及省郡志者備錄於編

一凡

誥勅世傳葬地未及全備者俟各房查覈開送陸續增補間有字畫舛誤者各行校正

溯源

陳氏之初出於軒轅黃帝生二十五子得姓者十四人昌意其正統也歷七世而生舜姚姓受帝堯禪舜後遜位於禹封商均於虞城闕父遂爲商陶正武王賴其利器用賜姓媯以元女大姬嫁其子滿并賜肅慎氏矢封於陳都宛邱卽今河南陳州以奉舜祀謚爲胡公其子犀謚申公傳十八世入春秋又九世潛公越爲楚所併凡二十五君歷六百四十五年厲公



佗之子完字敬仲周惠王五年懼罪奔齊歷十一世  
和改姓田受王命而有齊後爲秦有

潛公越之子衍避楚害遷陽武戶牖歷八世生述述  
生平字孺子爲漢高祖左丞相封戶牖侯歷五世生  
考遷山陽考生湯仕漢封關內侯歷六世生翔遷居  
潁川翔生實字仲弓漢桓帝時爲太邱長平心率物  
有爭訟輒求判正人曰寧爲刑罰所加不願爲陳君  
所短卒謚文範先生陳天嘉五年追封康樂侯大建

元年加封潁川郡公

漢高祖登極分封陳氏侯者十三人博陽侯潁曲  
逆侯平堂邑侯嬰貨夏侯稀棘滿侯武河南侯涓  
高胡侯夫乞復陽胥侯橐祗侯錯猗氏侯遯龍陽  
侯署紀信侯倉非盡潁川之人實皆潁川之派也  
武帝霸先文帝藉宣帝頊接踵南面三十餘年故  
金枝玉葉編滿宇內有王宜都而其後爲江州義  
門諸陳之祖者有王吳興錢塘而其後爲兩浙諸

陳之祖者有王江夏岳陽而其後爲湖南諸陳之  
祖者有王新安鄱陽而其後爲饒信徽寧諸陳之  
祖者有王新昌廬陵南郡而其後爲江右諸陳之  
祖者有王大原桂陽永嘉南海而其後爲兩廣諸  
陳之祖者或因仕宦而遷莆田爲福建諸陳之祖  
者或因避患而遷西川爲川陝諸陳之祖者或以  
仕宦而居勝地爲吳越諸陳之祖者要皆本於帝  
舜史牒可憑也

唐建州守靖係胡公七十一世孫也居台之銀城  
卒葬台州歷三世德避黃巢亂遷歛遷信凡四遷  
而奠居饒之德興郭家村四世禮部尚書慶五世  
朝散大夫臻六世富陽知縣德初七世朝請大夫  
彖八世上元縣丞翰九世端生三子百一府君俊  
百五府君伏百六府君侁爲鬱林太守生四子左  
班殿直善金華主簿寶永寧主簿亶江山知縣述  
皆居江西銀封桐川咸平初善等建泗洲寺守父

墳其上虞始祖遠字嘉言行添三乃百一府君八  
世孫也宋宣和中王嘉榜進士遷至叅軍都護扈  
蹕南渡遂家上虞焉

自帝舜姓姚有姚之一派自商均封於虞有虞之  
一派夏時虞思是也自周武王錫闕父媯姓又有  
媯之一派自敬仲奔齊居卿位食采於田以田爲  
氏有田之一派齊襄王子建建生三子昇桓軫昇  
仍氏田軫則氏陳桓乃氏王則又有王之一派總

之屬帝舜裔也自一而分萬者萬分而總統於一  
舜德之大其源遠流長固宜也

南渡一世祖諱芳仕宋爲廷尉世藉河南懷慶府  
孟縣自金虜犯闕扈駕南遷居杭之忠清里二世  
祖文定公諱越居相州至殿英公俊卿及伯安公  
康伯官資政殿學士知溫州遂定居焉子良佐公  
夔歷任江浙行省叅議慕其山川秀麗又居於杭  
越數世正平公諱宜中嫉邪罹禍宗支四散伯玉

公諱瑗不樂仕宦杜門恬退居蕭邑東里石板街  
爲遷蕭之一世祖故有以胡公滿爲一世者溯得  
姓之始也有以大邱實爲一世者溯潁川之源也  
以台州靖祖爲一世者著德興近遷之脉也以上  
虞遠祖爲一世者親虞封現分之裔也以廷尉芳  
祖爲一世者溯南渡之始也以伯玉瑗爲一世者  
溯遷蕭之始也

總之上虞之一世爲台之十七世爲潁川之四十

世至於蕭之一世爲胡公滿之百餘世也

伯玉公生二子長子蕃公諱衍世居蕭邑次子諱  
彬遷居寧波鄞縣三世足夫公諱贍昆季四人長  
兄慎早逝次兄幹字能夫遷居甬東弟廣字博夫  
贅甬東屠氏四世協之公諱輯贛丙縣尉五世師  
元公諱端淮東提舉司六世子魯公諱參行福三  
邑人稱爲魯三朝奉有兄弟三人失傳其實七世  
通之公諱炤號松栒院表鄉大賓八世仲和公諱



愷以子爵誥封奉直大夫月軒公諱安任刑部郎  
中誥授奉直大夫十世伯堅公諱確博學生員修  
輯宗譜分布諸族今水缺衙澇湖東堡木橋衙榮  
山諸陳皆屬嫡派也至於居長浜者謂是博夫公  
贅居屠氏之裔其餘諸陳一時無據徐侯考訂總  
以原譜遺失不無遺憾云

烈宸公議鑄新譜引

古者有世族譜有宗譜世族譜猶史記世家孟子所謂世臣是也唐岑文本令狐德藥奉詔輯天下茂族合九百二十三世一千六百五十餘家而分之爲譜第錄人之貴顯者他不及焉宋眉山蘇氏取敬宗收族之義作爲宗譜凡同祖者均系之後人之宗譜始于是我澇湖陳氏宗譜肇自有明月軒公至錫元公嗣輯之

國朝機平公又續修之遂成繕本迄今百有餘年所  
慮流傳不廣本支疏遠不詳余有志修輯者久  
矣歲辛酉族中議修宗譜因念吾宗與東門長  
浜二支本爲一族而東門長浜旣另立宗廟各  
有宗譜不必更聯卽吾宗自六世祖子魯公傳  
十世至我敦樸公贅居澇湖外敦義公遷杭之  
良址敦睦公遷居埭上敦歷公遷居榮山各爲  
一支機平公修譜時專以享字行起纂輯澇湖

老八房世系而敦義敦睦敦歷公之後皆不及  
焉然良址自有明分派至今音問不通倘欲聯  
宗尤虞冒混埭上榮山二支向居近地祖宗墳  
墓同時拜掃雖已分支不可不編其世次爲良  
址合宗之本爰商諸族衆聯爲一譜而以澇湖  
爲本支以埭上榮山爲旁支以明收族之誼時  
有贊裕聲揚天駟元達克岐等樂于從事因共  
捐貲以付梨棗而東爲校風用先秉儒靜山等

則共董其事焉乃輯其散失修其殘缺爲澇湖  
陳氏家譜而堦上榮山遂附于後使有明迄今  
百有餘年之卷帙整頓一新流傳宗族此余之  
夙志而實先人之佑啟也

皆

嘉慶六年八月二十二世孫士相盥手敬識

東門長濱滂湖三支世數說

古云父子相繼爲一世三十年亦爲一世此真不易之定論也吾宗與東門長濱本同爲一族查東門譜止二十世長濱止十七世吾家宗譜乃至二十六世東門譜云宋高宗元年康義公扈蹕南渡遂以康義公爲南渡始祖其說似有可據而長濱直以福一公爲始祖且以福一公爲有明時人其中不無脫悞吾族舊譜以廷尉公爲南渡始祖按

宋史高宗南渡建炎二年統計至今六百七十餘年東門譜云康義公三傳至朝奉大夫福一公與長濱福一公行次正合福一公至今二十世自康義公起至今爲二十三世以三十年之說計之原不過七百年吾族自廷尉公起閱四五傳而至一世祖伯玉公又六世而至福三公福三公至今又二十一世統計至廷尉公有三十餘世以三十年之說論之當得九百餘年卽世數修短不齊亦不

應相懸如此之甚竊以自廷尉公至伯玉公凡四五傳其中不無訛舛而久遠難稽已不可考其世次已而伯玉公以後本支世次當自福三公起蓋福三公至今二十一世與東門長浜世次不甚相遠故舊譜以廷尉公爲南渡始祖伯玉公爲遷蕭始祖而今更當以福三公爲與東門長浜分派之祖至若東門譜至今二十一世長浜譜至今止十七世各有不同者蓋東門譜自康義公之後二世



失傳長濱譜以元爲明自福一公前後世數脫悞  
遂致參差總之廷尉公以一門十四世同居三百  
年子孫繁衍支派難詳今旣無世譜可查則照依  
現在稱呼世次以合同姓而從前之荒遠莫稽者  
則敬闕所疑焉可也

按第五世師元公爲元淮東提舉司而福三公  
爲師元公之子則福三公應爲元人且月軒公  
爲明洪武二十三年舉人則其曾祖非有明人

可知故福三公爲元人無疑福三公尚非有明  
時人而謂福一公爲有明人可乎故余以長浜  
譜爲有脫悞也

在高謹識

陳氏宗譜

誥勅

河南開封府尹陳宜中誥封勅命一道

奉

天承運

皇帝制曰朕惟內外演綸之職素高翰苑之清  
股肱社稷之隆必賴循良之傑時惟大計悉  
用陞遷咨爾大夫陳宜中局量宏深理識清

遠洋洋晁董之對增我鑑明渾渾虞夏之才  
允優邦伯是宜晉職黃堂端居明牧新瞻聽  
於四方賴嘉猷之匡濟寄承宜於一郡昭榮  
命之發揮往服寵章永堅厥守欽哉

景定三年七月二十六日

命下